

Broj: 03-04-1406-7/23  
Sarajevo, 18.12.2023. godine

Primljeno: 20-12-2023			
Org. jed.	Broj	Priloga	Vrijednost
05/1-	02 -	471	23

**PARLAMENT FEDERACIJE BOSNE I HERCEGOVINE**

**Zastupnički dom**

n/p gosp. Ivanu Miličeviću, tajniku  
n/p gđi Suadi Halilović, zastupniku

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u privitku Vam dostavljam akt Federalnog ministarstva trgovine, broj: 01-02-1074/23 od 12. prosinca 2023. godine, koji se odnosi na zastupničku inicijativu zastupnika Suade Halilović.

S poštovanjem,



**TAJNIK VLADE**

dr. sci. Edita Kalajdžić

Privitak: kao u tekstu

Broj: 01- 02-1074/23  
Mostar, 12.12.2023. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA

n/p mr.sc. Edita Kalajdžić, sekretar

SARAJEVO  
Ul. Hamdije Čemerlića broj 2

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

PRIMLJENO: 18.12.2023			
Organizaciona jedinica	Klasifikaciona oznaka	Redni broj	Broj priloga
03-04-1406-7/2023			

**Predmet:** Odgovor na zastupničku inicijativu, dostavlja se  
**V e z a :** Vaš akt broj 03-04-1406-7/23 od 29.11.2023. godine

Poštovani,

U skladu sa odredbom člana 75. Poslovnika o radu Vlade Federacije Bosne i Hercegovine prečišćeni tekst ("Službene novine Federacije BiH" br: 6/10, 37/10, 62/10, 39/20 i 67/21"), u prilogu akta Vam dostavljamo tri primjerka odgovora na zastupničku inicijativu koja je podnijela Suada Halilović, zastupnica u Zastupničkom domu Parlamenta Federacije Bosne i Hercegovine, uz molbu da isti dostavite zastupnici.

S poštovanjem,

Prilog: kao u tekstu

Dostaviti:  
- Naslovu  
- Odsjeku za cijene  
- a/a



Broj: 01- 02- 1074 /23  
Mostar, 08.12.2023. godine

**BOSNA I HERCEGOVINA  
PREDSTAVNIČKI DOM PARLAMENTA  
FEDERACIJE BOSNE I HERCEGOVINE**

**n/p g-din, Ivan Miličević, tajnik/sekretar Zastupničkog/Predstavničkog doma  
n/r g-din Suada Halilović, zastupnica**

**UI. HAMDIFE KREŠEVLJAKOVIĆA 3  
71 000 S A R A J E V O**

**Predmet:** Odgovor na zastupničku inicijativu, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), na zastupničku inicijativu koju je podnijela zastupnica Suada Halilović kojom se traži da se uspostavi „Partnerstvo za pravednije cijene“ između proizvođača, trgovaca i Federacije BiH, dostavljamo sljedeći:

**O d g v o r**

U skladu sa članom 17. Zakona o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/08, 2/06, 8/06, 61/06), Federalno ministarstvo trgovine (u daljem tekstu: Ministarstvo) s ciljem održavanja stabilnosti tržišta, cijena i životnog standarda stanovništva prati i analizira kretanje cijena na osnovu podataka koje mu dostavljaju drugi organi, tijela uprave, pravna i fizička lica. Ministarstvo provodi odgovorne politike za koje je nadležno, a naročito u pogledu predlaganja određenih mjera Vladi Federacije BiH, bilo da se radi o praćenju kretanja cijena na tržištu u funkciji zaštite javnog interesa i zaštite interesa potrošača i u pogledu primjene mjera neposredne kontrole cijena u slučaju poremećaja na tržištu.

U Vašoj inicijativi dali ste prijedlog da ovo Ministarstvo uspostavi „Partnerstvo za pravednije cijene“ u cilju smanjenja cijena određenih proizvoda. Istakli ste da se uspostavi saradnja između proizvođača, Vlade FBiH putem Ministarstva trgovine i trgovaca radi ostvarivanja održivih i pravednijih cijena za krajnje potrošače.

Vlada Federacije Bosne i Hercegovine je dana 28.09.2023. godine donijela Odluku o propisivanju mjera neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije BiH“, broj 76/23).



Nakon donošenja navedene Odluke, kojom je određena maksimalna veleprodajna i maloprodajna marža za 15 proizvoda, na prijedlog federalnog ministra trgovine, održano je niz zajedničkih sastanaka sa predstavnicima Udruženja poslodavaca u FBiH, Federalne uprave za inspekcijske poslove, udruženja potrošača, Sindikata trgovine i uslužnih djelatnosti BiH i sa predstavnicima proizvođača.

Na sastancima su razmatrani efekti provođenja mjere neposredne kontrole cijena koja je trenutno na snazi i ocijenjeno je da je potrebno započeti i druge modalitete zajedničkog dobrovoljnog djelovanja svih aktera u oblasti trgovine. Naime, potrošači danas u sve većoj mjeri očekuju od trgovaca da pokažu usklađenost s društvenim vrijednostima, jer to doprinosi pozitivnom odnosu potrošača i njihovoj lojalnosti prema tim trgovcima.

Slijedom navedenog, na navedenim sastancima je postignut dogovor da se pokrene Projekat „Zaključavamo cijene“ u cilju poticanja i afirmisanja društvene odgovornost trgovaca.

Federalni ministar trgovine je rješenjem imenovao Radnu grupu za izradu i provedbu Projekta „Zaključavamo cijene“, koja broji 11 članova. Članovi Radne grupe su predstavnici Federalnog ministarstva trgovine (Ministarstva), udruženja potrošača i Sindikata trgovine, a njihov zadatak je bio da pripreme prijedlog i provedbu projekta, te da sačine listu proizvoda čije će cijene biti snižene (zaključane) na dogovoreni period. Na zadnjem sastanku održanom 28.11.2023. godine Radna grupa je finalizirala Projekat i dostavila spisak od 40 proizvoda, koji obuhvata životne namirnice i higijenske potrepštine. Prilikom izrade Projekta postignut je dogovor da se potrošačima na ovaj način ponude kvalitetni proizvodi po nižim cijenama i da trgovci neće uključivati najjeftinije proizvode lošije kvalitete.

Pored navedenog sačinjen je tekst Protokola o načinu provedbe projekta „Zaključavamo cijene“, kojim se definiše način provedbe, prava i obaveze Federalnog ministarstva trgovine i pravnih ili fizičkih lica registrovanih za obavljanje trgovine na malo, koji dobrovoljno učestvuju u navedenom Projektu u periodu od 15.12.2023. do 15.3.2024. godine. Nakon potpisivanja Protokola trgovci su dužni dostaviti Ministarstvu ovjeren i potpisan spisak 40 proizvoda, koji sadrži naziv proizvoda, jedinicu mjere, redovnu cijenu proizvoda na dan 14.12.2023. godine, „zaključanu cijenu“ u toku trajanja Projekta i naziv dobavljača/proizvođača.

Trgovci imaju mogućnost da u toku trajanja projekta promjene brend ili cijenu pojedinog proizvoda iz već objavljenog spiska na stranici Ministarstva, s tim da su dužni u roku od 48 sati prije početka primjene izmjene obavijestiti Ministarstvo, dostaviti novi ažurirani spisak i navesti razloge za promjenu. Ministarstvo će na svojoj službenoj web stranici objaviti naziv trgovaca, distributera/proizvođača koji učestvuju u projektu, kao i navedeni spisak proizvoda. Za označavanje tih proizvoda učesnici Projekta će koristiti originalni logo „Zaključavamo cijene“ i to isključivo za one proizvode koji se nalaze na dostavljenom spisku.

Vlada Federacije BiH je na sjednici održanoj 12.12.2023. godine donijela Odluku o izmjeni Odluke o propisivanju mjera neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode. Obzirom da je početak Projekta planiran dana 15.12.2023. godine, a važeća odluka je bila na snazi do 31.12.2023. godine, istu je bilo potrebno izmijeniti na način da se mijenja datum primjene Odluke do 14.12.2023. godine.



Projekat „Zaključavamo cijene“ predstavlja novi modalitet saradnje i dijaloga između trgovaca, udruženja potrošača, poslodavaca, sindikata i Ministarstva, i strateški je zaokret u kreiranju boljeg poslovnog ambijenta u kojem su zaštićeni interesi potrošača i trgovaca.

Na kraju ističemo da je Vaša inicijativa veoma korisna i da je u sinhronizitetu sa aktivnostima ovog Ministarstva .

S poštovanjem,



**MINISTAR**

Amir Hasićević

